

آذربایجان ملی حکومتینین برنامه سی

آذربایجان ملی کابینه سی، آذربایجان خالقینین ایلر بویو آرزو ائتدییی ملی مختاریتینی عملاً وجودا گه تیرمک و بو واسطه ایله آذربایجان خالقینین ملی احتیاجلارینی رفع ائدیپ، اونو مترقی و تکامله سوق ائتمک اوچون آشاغیداکی وظایفی اوزونون یاخین هدفی و برنامه سی قرار وئریر؛

۱- ملی مختاریتیمیزی دونیایا تانیتماق، اونون داوام و بقاسینی تامین ائتمک اوچون جدی تدبیرلر گوروب، صلاحیتدار مقامات ایله مذاکره یه گیریشمک، ایرانین استقلال و تمامیتینی خلل دار ائتمه دن ملی دولتیمیزی دموکراتیک اساسلار اوزره قورماق و بو یولدا قاباغا چیخابیلن مشکلاتی رفع ائتمک.

۲- ملی مختاریتیمیزی محکم اساسلار اوزره قوروب، اونو خالقا یاخینلاشدیرماق مقصدی ایله چوخ تئز بیر صورتده ولایت انجمنلرینین انتخاباتینا باشلاماق و یئرلی اداره لرین نظارتینی اونلارین اختیارینا قویماق.

۳- شهرلریمیزین عمران و آبادلیغی اوچون بلاتاخیر شهر انجمنلرینی، دموکراتیک اساسلار اوزره انتخاب ائدیپ، اونلارین ایشلرینی دوزگون و صحیح بیر صورتده جریانا سالماق.

۴- یئرلرده معتمد آزادیخواه آداملاردان، فرماندار و بخشدارلار انتخاب ائدیپ، اونلارین واسطه سی ایله کنچمیش ظالمانه حرکتلر و خالقی تحقیر ائدیجی عمللرین قاباغینی آلیپ، بوتون اولکه ده امنیت و آسایشی تامین ائتمک.

۵- ژاندارم و پلیس اداره لرینی خائن و خالقی ازیب فلاکته سوق ائدن اشخاصین الیندن چیخاریپ، آزادیخواه و میهن پرست اشخاصا تاپشیرماق و اونلارین ایشلرینی خالقین آرزو و احتیاجاتینا متناسب بیر حالا سالماق.

۶- مالیات قانونلارینی نظردن کنچیرمک و مالیه اداره سینین دخل و خرجینی تفتیش ائتدیکدن سونرا، چوخ تئز بیر صورتده ملی بودجه لایحه سینی ملی مجلسه تقدیم ائتمک. عمومیتله مالی سیاستین گه لیر و مخارج اساسینی مملکتین ترقی و تکاملی اوزرینده قرارلاشدیرماق.

۷- مختاریتیمیزی، ملی مجلسیمیزی و ملی دولتیمیزی قورماق و اونون گه له جه ینی تامین ائتمک اوچون کندلرده و شهرلرده وجوده گلن فدایی دسته لرینی بیر مرکز اطرافیندا تمرکز وئرمک، ملی خالق قوشونو وجودا گه تیرمک و بو قوشونون تسلیحات و تنظیماتینی معاصر حالا سالماق مقصدی ایله جدی تدبیرلر گورمک.

۸- فرهنگ و معارف ساحه سینده دولتیمیزین قاباغیندا ایکی بویوک مسئله دورور. بیرنجیسی اوز ملی دیلیمیزی بوتون مدرسه لرده رسمی اولاراق قبول و اجرا ائتمک، ایکینجیسی ایسه عمومیتله سوادسیزلیغا

قارشی مبارزه آپارماق، مجانی و اجباری تحصیلی عملی یولونا قویماق. بونلارین هامیسیندان چوخ، ملی حکومتیمیزین عالی تحصیل مسئله سینه اهمیت وئریب، ملی دارالفنونوموزون (دانشگاه) اساسینی قورماغا چالیشمالیدیر.

۹- تجارت و اقتصاد ساحه سینده ملی حکومتیمیز بیرینجی نوبه ده ملی صنایع میزه اهمیت وئریب، موجود کارخانالاری دوزگون یولونا قویماق. ایکینجی نوبه ده یئنی کارخانالار آچماقلا، مملکتین صنایعینه اولان احتیاجاتینی تامین ائده جکدیر. تجارت ساحه سینده دولتیمیز آذربایجانین تجارت مرکزی اولما بیلمه سی اوچون تدبیرلر گوره جک و یوللار آراباجاقدیر.

۱۰- یوللارین تعمیر و احداثی، پست و تلگراف و تلفن کیمی ارتباط وسایطینین گنیشلندیریب، معاصر حالا سالیمناسی حکومتیمیزین اساسی وظیفه لریندن دیر.

۱۱- کندلی ایله اربابلار آراسیندا تولید اولان اختلافاتی رفع ائتمک اوچون متقابل رضایت شرطی ایله، جدی قانون لایحه سی تنظیم ائدیب، بو یولی ایله کندلی و ارباب مسئله سینی حل و تصویب ائله مک.

۱۲- کندلرده و شهرلرده گوندن - گونه آرتماقدا اولان ایشسیزلیغین قارشیسینی آلماق اوچون خالصه تورپاقلارینی فوریتله زارع لر آراسیندا تقسیم ائتمک. همچین آذربایجانلی ترک ائدیب اونون خارجینده ملی مختاریتیمیز علیه نه تبلیغات آپارانلاریندا یئرلرینی ضبط ائدیب کندلیلرین اختیارینا قویماق ایله یئرسیز کندلیلر آیفلاندریلمالیدیر. بوندان علاوه خالقیمیزین اکثریتینی تشکیل ائدن کندلیلر اولدوغو اوچون گه له جکده بانک کشاورزینی ائله بیر صورتده قوتلندیرمک لازمدیر کی، ایلییه بیلسین کندلییه اعتبار وئرمکله یئر مسئله سینی حل ائتسین و اربابلار اوز میل و رغبتلری ایله یئرلری کندلیلره عادلانه قیمتده ساتا بیلسینلر.

۱۳- ایشسیزلیکله جدی مبارزه ائتمک اوچون جدی تدبیرلر گورمک، ال صنایعی، یول ایشلری، کارخانالار تاسیسی، فلاح و تجارتین آرتماسی وسیله لریندن جدی صورتده استفاده ائتمه یی لازم گورور.

۱۴- کارگر و زحمتکشین معیشتینی دوزگون یولا قویماق اوچون ایش و زحمت قانونو لایحه سینی تهیه ائدیب مجلسه تقدیم ائتمه لی و عین زاماندا ایشچیلرین بیمه ائدیلمه سینی اجباری ائتمک اوچون تدبیرلر گورمه لیدیر.

۱۵- صحیه ایشینه توجه ائدیب بیرینجی نوبه ده عمومی و مسری خسته لیکلرین قاباغینین آلیمناسی و مخصوصا کندلرده و آشاغی طبقه یه حکیم و داوا یئتیرملکه خالقین بهداشتینی تامین ائتمه لیدیر.

۱۶- ملی شورا مجلسی طرفیندن بو آنا قدر وضع اولونموش قانونلاری، آذربایجان خالقینین حیاتی و ملی مختاریتینه مناسب بیر صورتده اصلاح ائدیب ته زه مفید لایحه لر پیشنهاد ائتمک.

۱۷- خصوصی مالکیت حاقیندا آذربایجان ملی حکومتی، مملکتین بوتون ساحه لری اوچون خصوصی مالکیتی قبول ائدیب، مملکتین و خالق اقتصادیاتینین ترقی سینه و خالقین رفاه حالینا سبب اولان هر جور خصوصی اقداماتا کومک ائده جکدیر.

۱۸- آذربایجان ملی حکومتی، اولکه ده یاشایان عموم اهالینین وجدان و عقیده آزادلیغینا احترام ائده جکدیر.

۱۹- آذربایجان ملی حکومتی، آذربایجانلیلارلا بیرلیکده آذربایجاندا یاشایان بوتون هموطنلری خصوصی ایله کوردلر و باشقالارینی حقوق و قانون مقابلینده مساوی حساب ائدیر.

۲۰- آذربایجان ملی حکومتی، مرکزی ایران حاکمیتینی تانیماقلا برابر بو حکومتین آذربایجانین مختاریتینه مخالف گلمه یین، آذربایجان خالقینین موسئسان مجلسی و آذربایجان مجلسینین مراجعتنامه و قرارلاریندان قید اولونان ملی حقوق طلبلرینه ضد اولمایان تدبیرلرین حیاتا کئچیره جک دیر.

برنامه نین اطرافیندا مفصل صورتده بحث ائدیکن سونرا رای آیینیب، آذربایجان ملی حکومتینین برنامه سی اتفاق آراء ایله تصویب اولدو.

آچیق سوز سینته سینده ن آیینمیش